

四部叢刊

河岳英靈集
中興閒氣集
玉臺新詠集

四部叢刊初編集部

玉臺新詠集

十卷

據商務印書館一九二六年版重印

四部叢刊初編(三一四)

玉臺新詠集

陳徐陵輯

中興閒氣集

唐高仲武輯

河岳英靈集

唐殷璠輯

上海書店印行

上海福州路四二四號

上海影印廠印刷

上海酒芬樓借無錫
孫氏小絲天威五雲
溪館活字本景印原
書版匡高營造尺五
寸九分寬四寸九分

玉臺新詠集序

陳尚書左僕射太子少傅東海徐陵孝穆撰
夫凌雲槩日由余之所未窺千門萬戶張衡之所
曾賦周王璧臺之上漢帝金屋之中玉樹以珊瑚
作枝珠簾以玳瑁爲柙其中有麗人焉其人五陵
豪族充選掖庭四姓良家馳名永巷亦有潁川新
市河間觀津本號嬌娥曾名巧笑楚王宮裏無不
推其細腰衛國佳人俱言訝其纖手閱詩敦禮豈
東鄰之自媒婉約風流異西施之被教弟兄協律
少小學歌長生河陽由來能舞琵琶新曲無待石

崇篁篔簹引非關曹植傳鼓瑟於楊家得吹簫於
秦女至若寵聞長樂陳后知而不平畫出天仙闕
氏覽而遙妬至如東鄰巧笑來侍寢於更衣西子
微嚙得橫陳於甲帳陪遊馭娑騁纖腰於結風長
樂鴛鴦奏新聲於度曲粧鳴蟬之薄髮照墮馬之
垂髮反插金鈿橫抽瑤樹南都石黛最發雙蛾北
地燕支偏開兩靨亦有嶺上仙童分丸魏帝腰中
寶鳳授曆軒轅金星將婺女爭華麝月與姮娥競
爽驚鸞冶袖時飄韓掾之香飛燕長裾宜結陳王
之佩雖非圖畫入甘泉而不分言異神仙戲陽臺

無別真可謂傾國傾城無對無雙者也加以天時
開朗逸思雕華妙解文章尤工詩賦琉璃硯匣終
日隨身翡翠筆牀無時離手清文滿篋非唯芍藥
之花新製連篇寧止葡萄之樹九日登高時有緣
情之作萬年公主非無累德之辭其佳麗也如彼
其才情也如此既而椒宮宛轉柘觀陰岑絳鶴晨
嚴銅蠡畫靜三星未夕不事懷衾五日猶賒誰能
理曲優遊少託寂寞多閒厭長樂之疎鍾勞中宮
之緩箭纖腰無力怯南陽之擣衣生長深宮笑扶
風之織錦雖復投壺玉女爲歡盡於百嬌爭博齊

姬心賞窮於六箸無怡神於暇景唯屬意於新詩
庶得代彼臯蘇蠲茲愁疾但徃世名篇當今巧製
分諸麟閣散在鴻都不籍篇章無由披覽於是然
脂暝寫弄筆晨書選錄艷歌凡爲十卷曾無叅於
雅頌亦靡濫於風人涇渭之間若斯而已於是麗
以金箱裝之瑤軸三臺妙迹龍伸夔屈之書五色
花牋河北膠東之紙高樓紅粉仍定魚魯之文辟
惡生香聊防羽陵之蠹靈飛太甲高擅王函鴻烈
仙方長推丹枕至如青牛帳裏餘曲旣終朱鳥窓
前新粧已竟方當開茲縹帙散此緇繩永對翫於

書幃長循環於織手豈如鄧學春秋儒者之功難
習竇專黃老金丹之術不成固勝西蜀豪家託情
窮於魯殿東儲甲觀流詠止於洞簫變彼諸姬聊
同棄日猗歟彤管無或譏焉

玉臺新詠集序

玉臺新詠目錄卷之一



古詩八首

古樂府詩六首

枚乘

雜詩九首

歌詩一首

李延年

詩一首

蘇武

羽林郎詩一首

辛延年

怨詩一首

班婕妤

董嬌嬈詩一首

宋子侯

漢時童謠歌一首

同聲詩一首

張衡

贈婦詩三首

秦嘉

秦嘉妻荅一首

徐淑

飲馬長城窟行一首

蔡邕

飲馬長城窟行一首

陳琳

詩五首

徐幹

室思詩一首

又

情詩一首

又

定情詩一首

繁欽

古詩爲焦仲卿妻作

無名氏

玉臺新詠卷之一

古詩八首

其一

上山採靡蕪下山逢故夫長跪問故夫新人復何
如新人雖言好未若故人姝顏色類相似手爪不
相如新人從門入故人從閣去新人工織縑故人
工織素織縑日一匹織素五丈餘將縑來比素新
人不如故

其二

慄慄歲云暮
蟪蛄多鳴悲
涼風率已厲
遊子寒無

衣錦衾遺洛浦同袍與我違
獨宿累長夜夢想見容輝
良人唯古歡枉駕惠前綏
願得常巧笑携手同車歸
既來不須臾又不處重關
諒無晨風翼焉得凌風飛
眇眇以適意引領遙相睇
徙倚懷感傷垂涕沾雙扉

其三

冉冉孤生竹結根泰山阿
與君爲新婚菟絲附女蘿
菟絲生有時夫婦會有宜
千里遠結婚悠悠隔山陂
思君令人老軒車來何遲
傷彼蕙蘭花含英揚光輝
過時而不採掇隨秋草萎
君亮報高節賤

妾亦何爲

其四

孟冬寒氣至北風何慘慄愁多知夜長仰觀衆星
列三五明月滿四五蟾兔缺客從遠方來遺我一
書扎上言長相思下言久離別置書懷袖中三歲
字不滅一心抱區區懼君不識察

其五

客從遠方來遺我一端綺相去萬餘里故人心尚
爾文彩雙鴛鴦裁爲合歡被着以長相思緣以結
不解以膠投漆中誰能別離此

其六

四座且莫誼願聽歌一言請說銅爐器
桂嵬象南山上枝似松柏下根據銅盤
雕文各異類離婁目相聯誰能爲此器
公輸與魯班朱火然其中青烟颺其間
從風入君懷四座且莫歡香風難久居
空令蕙草殘

其七

悲與親友別氣結不能言贈子以自愛
道遠會見難人生無幾時顛沛在其間
念子棄我去新心有所歡結志青雲上
何時復來還

其八

穆穆清風至吹我羅裳裾青袍似春草長條隨風
舒朝登津梁山褰裳望所思安得抱柱信皎日以
爲期

古樂府詩六首

日出東南隅行

日出東南隅照我秦氏樓秦氏有好女自言名羅
敷羅敷善蚕桑採桑城南隅青絲爲籠繩桂枝爲
籠鈎頭上倭隨髻耳中明月珠綠綺爲下裳紫綺
爲上襦觀者見羅敷下檐捋髭鬚少年見羅敷脫